

Errementari Goikoa (Ermentari)



ARRESE ETXEBERRIA familia

ERMENTARI kale etxea da. *Goikokalekoa*. Etxearen izena informatzailearen aitonaren-gandik zetorren, errementaria baitzen, alegia baserritarrentzako tresnak egiten eta konpontzen zituena.

Ez ziren jabeak, maizterrak baizik eta jabea Hilario Mendizabal zen, *Aztiakoa*. Errenta hamar durokoa zuten. Etxea 1945ean berritu zuten, komunak eta logelak eginez.

Ramon Arrese, Mielmañekoa, eta Terexa Etxeberrria 1928an ezkondu ziren eta lau seme-alaba izan zituzten: Mikel, Andrex, Julian eta Begoña. Familia aitonarekin bizi zen.

Ramon Arrese, aita, arotza zen eta Fabrika Handian lan egiten zuen. Handik jubilatutik zenean baserrietako lanak egiten zituen (zorrozketak, konponketak, kateak konpondu). Afizioz ehiztari eta arrantzale zen, eta makina bat ezkalu-zopa eginak ziren.

Gero Mikelek jarraitu zuen hasieran lan haietan, baina 1953an Mikel Zaldibin arrain saltzen hasi zen. Lehenbizi bizikletari erremolkea jarrita, gero erremolke-aurrean Vespa jarrita eta Gaintzara ere iristen zen. Azkenik, 1962an furgoneta erosi eta Abaltzisketa, Orendain, Gaintza eta Zaldibin banatu eta saltzen zuen arraina.

Mikel dantzaria zen eta 1946az geroztik jarraitu zuen dantza taldeak prestatzen Zaldibin.



Arrandegiaren iragarkia festetako programan (1967)



Informazio emaila: Mikel Arrese



ARRESE ETXEBERRIA familia. 1948

Baratzean aterata dago,
Faustinoren etxe atzea ikusten dela:
Andrex, Mikel, Terexa Etxeberria (ama),
Begoña, Ramon Arrese (aita) eta Julian.
Familia numerosako paperak egiteko
ateratako argazkia.



Andrexen ezkontza

Julian, Ramon Arrese (aita),
Andrex, Maria Dolores Imaz (emaztea),
Terexa Etxeberria (ama), Begoña
eta Mikel.



Mikelen ezkontza

Terexa (ama),
Mikel eta Pili (emaztea).